

有秦駐藏日記

第十六冊

欽定四庫全書

PDG

中國藏學史料叢刊 第一輯

有泰駐藏日記 總裝十六冊函

原著 (清) 有泰

吳聖培整理

編輯 中國藏學研究中心

主編 多杰才旦

副主編 陳家璉

廖祖桂

責任編輯 張蜀華

王哲卿

出版 中國藏學出版社

印數 一—五〇〇

書號 ISBN 7-80057-005-3/K·2

定價 一百七十元

有秦駐藏日記卷十六

吳豐培 整理

光緒三十四年歲在戊申正月初一日遊府大令拜年皆未見敬甫
來趕即至其屋內彼此行禮而已程品成并家人道新喜昨日辭
歲轎夫騾夫均拜年討賞此年頗覺清淨鞭敲聲亦少（陰雪）
初二日無事午後敬甫過談至店門晉迎春各省大略儀仗同因
明日忌辰後日午正初刻四分陝省立春與順天早前一刻（
陰微雪）

初三日

第一百零五站

辰刻發鳳縣走河灘路山溝路河水見冰不厚

（廿五里曾過石門關）行四十里至白家店同敬甫尖站程品成

包來角子甚好。馬後拴一匣子頗可笑。又卅里草涼驛茶火。又十五里紅花鋪宿站。敬甫未同住。以上均自備。天氣頗冷。大有北方之意。由上站即見窯房。與晉省立土無異也。今日路多坦。雖山腰不少。不為險。（晴風微陰）

初四日第一百零六站辰刻發紅花鋪。出門即石脚路山腰路。下臨河水。適不大。有河內沙灘行時廿五里黃牛鋪公館。約敬甫尖站。係寶鷄境內。又卅里至東河橋茶火。尖後即行高山路。路旁見野鷄二隻。不畏人。過一草長橋上山。五里至煎茶坪。右手鐘仍露架山峰上。聞有大風雪雨。撞之可避。凡喇嘛不敢宿觀音堂。亦避此鐘也。可笑。又十五里行下坡路。加以雪凌。路甚難行。路間已點火把。至觀音

堂公館宿站敬甫未同住晚過談寶鷄縣楊晉三大令錫恩雲南
大挑行差帖來接煎茶坪關聖廟已修齊在路左憶來時供像募
化曾行禮（晴風）

初五日

第一百零七站辰刻發觀音堂因雪亂石路難行上由折高山過

大散關路右石刻陝南天險四字為葉伯英題從此下路多出
棧道矣行卅五里有四十餘里益門陣約敬甫喫麪有本地黃酒似良
鄉自備早尖天甚冷當面浮橋可至廩店近十五里可惜塌壞

只得到寶鷄縣又行十五里足廿餘里見水碾磨甚多河中搭
草橋二三有極長者進寶鷄縣南門旁東門公館宿站本縣楊
晉三大令來晤去時伊在沔縣舊識也敬甫同住因我談公館

乃去時所住。今懸九老圖。閻文介對洋墻屏。不俗。（陰微雪）

初六日第一百零八站辰刻發寶鷄。出東門。路多平坦。已見車路。郊外

多牛驪蓬車。大有鄉風。南望大山多雪。即太白。北近岐山。一路多土窰。岩下一片平田。甚可愛。外繞渭河。奇觀也。行卅里不止。有四十里。同敬甫廬店。公館尖站。天甚冷。又行四十二里。不到有卅餘里。八旗曠轎內飲茶。又八里進鳳翔府南門。轉東門內。公館宿站。縣彭籤孫名毓。高行二大令府尹仲錫太守名昌齡。行四茂。野門生均四川人來會。晚敬甫過談。未同住。（陰）

初七日第一百零九站辰刻發鳳翔縣。因昨日織店中睡土炕。窗外添火。

告以不要熱炕。令其去火。誰意夜間其熱非常。早起將炕席。伊

紅氈鋪蓋春褥子皆引着燒一大洞趕緊潑水幸未大燃辦差者為家人等大申飭之可發一大笑回憶在鳳縣對門店房失慎幸登時撲滅在觀音堂因溫酒著起將桌圍引燃亦登時即滅何火之多故也今日我裁縫補鋪蓋等件故住此不然可至扶風矣路中頗平坦不過有山溝或高路行卅里紅水河小飯店約敬甫同尖站有豆腐蔥花包子蔥花辣子麵皆佳并喝酪糟一盃亦佳又廿里進岐山縣西門出東門東關自我店房宿站本縣邊子福大令遣差來迎並備公館未去大令名祖祥行五河面封邱人敬甫同住過談（晴）

初八日

第一百十站

辰刻發岐山縣出東關大令在鳳翔府因病在彼

未迴。行平坦路。卅里蓋店鎮。三義廟作公館尖站。過古五丈原。路右石碣硯瓦溝。兩小村製硯者多。曾購之。如磨刀石。萬不可用。又卅里進扶風縣西門。出東門。我一雅片烟館外。轎內飲茶。過班固墓馬援墓。路右有醋三傑妻伏氏旌節碑。姓伏或有姓醋者。少見。今日多行山溝間。有高路。即三時原。又卅里杏林鎮宿站。東街有社火。至西街復回。多扮戲文。乃鄉中幼童為之。西街亦復如之。羣呼為社火。沿途有紙礮。幼童有乘馬。有坐抬桿者。大有古風。晚飯後散甫過談。未同住。（晴風）

初九日

第一百十一站

辰刻發杏林鎮。沿途平坦。行卅里武功縣西門外。

找小飯店尖站。因下雪甚冷。武功曾鑑齋士剛本在西安舊識。遣

差迎并備尖站未擾由城外繞道行廿里小韓店又名貞元鎮
有關帝廟進內瞻仰第一層殿供關聖倒座供送子觀音第二
層殿供三世佛配殿不知何神有纏足坐像頗奇有碑有鐘乾
隆年間碑尚在惜未有人住已破爛矣又廿五里右扶風俗呼
東扶風又呼扶風鎮自我破店宿站辦差者仍來讓之不已公
館已備婉言以辭令持回片道謝燈後敬甫過談未同住（
陰早大雪尖後復小雪）

初十日

第一百十二站

卯刻發扶風鎮路平坦四野均平田不過偶有土

坡行十五里到楊貴妃墓一肴內有住戶天極冷又卅里至興
平縣進西門自我小店房尖站本縣派差備公館辭之出東門

不遠路右有土阜前刻石碣秦王女墓行廿五里至馬跑泉茶
尖路左高處娘娘廟前有分水碑敘唐太宗因獵得泉並有石
上蹠跡碑前磚砌一泉水不淨路右一泉（亦用磚砌）起水泡且
溢出泉外有一石在旁有蹄跡此頗清即行人所飲者下輿進
一小店內見一西洋婦人據案喫熱湯麵亦似行路者不可解
又廿五里至咸陽縣進西門公館宿站本縣楊和甫大令名調元
貴筑人甲班行二已二十餘年來會人老成縣城甚大且開熱元宵鋪不少
敬甫同住過談（陰風極冷）

十一日第一百十三站辰刻發咸陽縣出南門過渭河有船與木草橋可行
車道均平坦行卅里三嵎鎮小飯店內茶尖外有耍狗熊者可

發一笑。又二十里。或云廿七里進西安府西關西門。屬長安縣。自我店

房宿站。路南較冷。未茶火。間壁小飯館用飯尚暖。拔絲山藥尚好。餘不值一笑。先曾

過豐橋渭橋。廓爾喀教習蕭必達及學生來見。均住一條街內。

達賴喇嘛由甘省奏明朝五臺奉旨允准。住北門外。帶有二三

百人。支應甚繁。咸長兩縣。諒必出汗也。一笑。晤長安周紫綬大

令。正紳再三應酬。請撥公館。辭之。咸寧胡永康大令。啟虞來未

見。敬甫過談。未同住。（陰冷）

十二日早會恩益堂世叔壽。現任陝西巡撫。精神甚好。詢年六十

已留底鬚。錫閏生親家相。現任陝西臬台。六十六歲。比余大。稱

之為二哥。携來五姐並女婿及其三弟夫婦同照像一張。甚可

有壽圖補日記
卷之六
三
羨慕

(後續女壻三爺非所生)

此地乃其夫人兩幼子。張弼臣觀察嘉猷

現任鹽道兵部舊同寅均痛談光顯堂太守照來未見行正紅旗人

一日未歇敬甫來商酌可走河南道車已將定 (陰雪)

十三日益堂中丞處遣人來告晚間備席至店房來談申刻來備大餐一桌乃新開館子菜亦可喫中丞並送點心菜蔬十包以爲路用面謝之所喝黃酒甚好已五斤又喝燒酒半斤因談著高興不覺大醉半夜嘔之 (陰)

十四日益堂中丞遣人來約到碑林張弼臣觀察送到菜點六包收之申刻至南門內碑林一看近日頗重景教流行碑於去歲始搬入碑林內有聖人(吳道子筆)觀音刻像十三經各御筆家

廟碑、多寶塔、玄秘塔、坐位帖、和尚碑、聖教序、岫巖碑、唐玄宗孝
經等。陸清獻對聯：左文襄、張朗齋（耀）對聯：薩湘林（迎阿）先生、秦
文伯帖上跋語、真正開熱非凡。並約同鄉胡詩林太守、徽元其世
兄姪世兄同看。將晚至臬署會閨生親家，詢其姓趙佳。正黃漢
人，其實乃明朝宗室姓朱，因避難國初至盛京，其始祖因怕查
考，從祖家姓趙，後不能改，見老六老八兩兒均好，夫人出見，人
極明白，乃覺羅王捷亭本家，敘出親戚甚多，忽長忽平甚可笑。
閨生與紹越、千聯襟（名成善）姻伯為丁未甲榜，其大女兒即許
徐雲士二世兄，塊芝過門後故去，在彼晚飯，回店路上亦有燈
不多，各憲尚須查街例也。一笑。

十五日早會余子厚提學望行二四川巴州人翰林與陳京兆鍾信是親喬茂軒認識人有學力恩中丞來送行又談許久張弼臣送常少漁紙一包託寄飯後敬甫來略談昨日碑林來賣搨本者留其關帝像等三張五文應酬而已閨生廉訪來痛談大有牢騷之意將乘來四轎一頂送給從此可離此物矣一笑所住店房謂之

寶勝樓大挂燈

(陰燈後雪)

十六日第一百十四站辰末已初間發西安府二套車一輛自坐三套車一輛拉行李衆官送行未見城外府縣親送行亦辭之因靴帽亦經收訖西安城內俱石路難行尚有一二里亦如之因六年未乘車之過也過潼橋壩橋廿五里下車河市口小店內喫包

子甚好敬甫亦來又廿五里進臨潼縣西門城內小店宿站敬甫同住本縣送酒席壁之僮等去洗澡其實無謂相傳洗後長蟲子曾試驗田德日後來說真長蟲子不虛聞達賴喇嘛昨日方由此啟程前途須打聽恐所住處無店口

（晴風）

十七日第一百十五站卯刻發臨潼縣出北門路均平前半日石子碍路後半日差強行廿里新豐鎮有古鴻門坂鑲於門樓上有小城圍之因冷與敬甫同路見路左一碑刻漢高祖與西楚霸王宴鴻門於此又廿里至靈口小店內尖站僅有片兒湯食甚飽又四十里至渭南縣進西門出東門在城內借一雜貨鋪外煎茶喫又廿里或十八里東赤水鋪店房宿站極冷無火喫麪糟極一笑

敬甫在間壁晚過談。（晴風）

十八日第一百十六站辰初刻發東赤水鋪行廿五里又云廿里過華州穿城行州城界不豐盛西關較強又卅里至敷水鋪尖站後步行一二里至一觀音廟略歇。朝邑王氏修有記在店見達賴乘馬白風毛黃馬褂前黃傘引行此時見其帳房行李紅黃綢布裹之駱駝馱從人甚多並有文武官兵丁護送又廿里至雪橋土店內宿站天甚早因達賴住華陰廟其店房喫食不便。此乃用無底破簷上

蓋案板書一大笑敬甫過談未同住。（晴）

十九日第一百十七站卯刻發雪橋五里至華陰縣穿城過又五里過華岳廟達賴尚未動身聞昨日有怨者因青馬被其手下喇嘛

拉去鬃尾均剪之。主人欲喊冤。衆欲毆之。只得忍氣。且漢兵過
看之鄉間人令其跪接。尤爲無理。廿五里至潼關城。進西門店
房大不便。送差接差委員均占滿。找一車店待車夫換軸。在斜
對門小飯鋪與敬甫聊具一餐。即行出北東門。不由過河路東
門走。下石路入土夾溝。過金陵關。東面爲第一關三字出關路左有河
南閿鄉縣西界碑。松壽立。乃西巡後之舉動也。復行夾溝內。浮
塵極大。溝上多柿樹。出溝復見黃河。穿柿林似內夾梨樹。又行
廿里加四算廿八里。閿底鎮店房宿站。覺比連日清淨多矣。到
店見有華陀廟對面。戲台演戲。因往聽之。一折劉秀走國。一折
老少換妻。後詢敬甫云。名迷糊子。甘省亦有之。文場不過弦子